



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola LIII. Gregorii Papae I. Ad Anthemivm Campaniae Svbdiaconvm. De  
testamento Importuni Attellanae ciuitatis episcopi.

**urn:nbn:de:hbz:466:1-15221**

## EPISTOLA LII.

GREGORII PAPÆ I.

AD SEBASTIANVM EPISCOPVM.

De eligendo episcopo in Arimino.

*Gregorius Sebastiano episcopo.*

PASTORALIS nos cura constringit ecclesias sacerdotis moderamine destitutis sollicita consideratione currere. Et ideo quia Ariminensis ecclesia, cui fraternitas vestra visitationis impendit officium, diu sacerdotis proprii, capitum quam nostis impediente molestia, pastoralis est regimine destituta, cleri vel ciuium precibus permoti, eumdem episcopum non destitimus admonere, vt si ex eadem molestia se melioratum esse sentiret, ad suscepti sacerdotii debuisset ministerium remeare. Qui semel a nobis saepiusve commonitus, eadem urgente molestia, nunc in scriptis nobis supplicatione porrecta noscitur intimasse, nullatenus se ad regimen eiusdem ecclesiae vel susceptum officium impediente molestia assurgere posse. Qua personæ eius desperatione compulsi, necessarium duximus de ordinatione nos eiusdem ecclesiae cogitare. Hortamur ergo vt clerum plebemque ecclesiae eiusdem sollicita debeatis admonitione compellere, vt sibi cum Domini auxilio talis præficiendum eliant sacerdotem, qui & aptus tanto ministerio valeat inueniri, & a venerandis Canonibus nullo modo respuatur. Qui dum fuerit postulatus, cum solennitate decreti omnium subscriptionibus roborati, vestrum quoque testimonio literarum, huc sacrandus occurrat; quatenus ecclesia ipsa proprium auxiliante Domino habere valeat sacerdotem.

## EPISTOLA LIII.

GREGORII PAPÆ I.

AD ANTHEMIVM CAMPANIÆ SVBDIACONVM.

De testamento Importuni Attellanæ ciuitatis episcopi.

*Gregorius Anthemio Campaniae subdiacono.*

QVORVM DAM ad nos relatione peruenit, quod Importunus Attellanæ ciuitatis episcopus dum de hac luce

luce migraret, condito testamento in octo vnciis totius substantiae suæ nurum suam heredem instituerit, & ecclesiam suam in residuis quatuor. Hortamur ergo experientiam tuam, ut solicita inquisitione discutias, & quidquid ecclesiæ ipsius esse patuerit, a qualibet persona detineri nullatenus patiaris, nisi hoc solum quod eum ante episcopatus ordinem proprium habuisse constiterit. Quidquid vero vel ante ecclesiæ ipsius esse cognoueris, vel in episcopatus ordine prædictum episcopum acquisisse, in eiusdem ecclesiæ conseruetur dominio, ne quisquam exinde aliquid usurpare qualibet occasione præsumat. Clerum vero plebemque eiusdem ecclesiæ cum omni te volumus instantia commonere; quatenus præficiendum sibi sine dilatione aliqua eligant sacerdotem, qui clerum plebemque vel res ecclesiæ ipsius cauta regularique valeat obseruatione disponere. Pariter etiam clerum plebemque ipsius ecclesiæ, vel quæ ei vnitæ sunt Cumanae instantius commoneto; quatenus & ipsi, omni mora dilationeque postposita, aptum sibi eligere debeant sacerdotem, ne diu, & tali præsertim tempore, pastoris proprii sint regimine destitutæ.

## EPISTOLA LIV.

## GREGORII PAPÆ I.

AD SECUNDINUM.

- |  |  |
|--|--|
| I. De insidiis antiqui hostis.   | tuendo.  |
| II. De Calchedonensi Synodo omnime recipienda.   | V. De ordinatione apostolice sedis.                    |
| III. De Iba & Cyrillo.   | VI. De parvorum animabus, quæ sine baptismo moriuntur. |
| IV. De sacerdotali officio post lapsum, si paenitentia secuta fuerit, in pristinum gradum restituendo. | VII. De muniberibus ab eo transmissis.                 |
|  | VIII. Et de imaginibus transmissis.                    |

*Gregorius Secundino seruo Dei inclusio.*

DILECTIONIS tuae scripta suscepi, quæ in meo sensu amoris melle condita sapuerunt. O quanta aspiratio ne vita plena sunt, quæ per gratiam Spiritus proferuntur. Non in eis cultus eloquentiæ, non verborum typhus apparebat, sed solam veritatis atque caritatis radicem tenentia, per omne quod locuta sunt, cœlestis patriæ amorem efflabant. In eis vero tua a me dilectio petere studuit, vt

\* al. Ha-  
grabaat.

Concil. Tom. 13.

PPP